



Cussegliaziun da professiun, da studi e da carriera dal Grischun – purschidas per classas da scola dals stgalims superiurs e da las soluziuns transitoricas

Cuntegn

1	Finamira e context	3
2	Cussegliaziuns	3
2.1	Discurs da verificaziun per la registraziun tempriva tar l'assicuranza d'invaliditad (AI)	3
2.2	Cussegliaziun professiunala	4
2.3	Cussegliaziuns curtas	4
2.3.1	Cussegliaziuns curtas en scola (en la chasa da scola)	4
2.4	Case Management furmaziun professiunala (CMFP)	4
3	Occurrenzas	5
3.1	Occurrenzas da classa	5
3.2	Occurrenzas da elecziun da professiun per persunas responsablas per l'educaziun	5
3.2.1	Occurrenzas da l'elecziun da professiun per persunas responsablas per l'educaziun e per giuvenils	5
3.2.2	Ulteriuras occurrenzas per persunas responsablas per l'educaziun	6
3.3	Occurrenzas per diversas gruppas en mira	6
3.3.1	Occurrenzas inizialas per persunas d'instrucziun per l'orientaziun professiunala	6
3.3.2	Occurrenzas per migrantas e migrants	6
4	Preschientscha ad exposiziuns – exposiziuns professiunala	6
5	Infurmaziuns	7
5.1	Centers d'infurmaziun professiunala (CIP)	7
5.2	Scleriments spezials	7
5.2.1	Discurs d'infurmaziun e scleriments per persunas d'instrucziun	7
5.2.2	Discurs d'infurmaziun e scleriments per persunas responsablas per l'educaziun	7
5.2.3	Discurs d'infurmaziun e scleriments per giuvenils	7
5.3	Purschidas d'infurmaziun	7
5.3.1	Fegls d'infurmaziun	8
5.3.2	www.berufsbildung.gr.ch	8

5.3.3	www.berufsberatung.ch	8
5.4	Broschura da elecziun da professiun	8
5.5	Diari da fufragnadi	8
5.6	«Profilo» – ordinatur grischun d'orientaziun professiunala	9
5.7	«Gasetta per l'elecziun da professiun»	9
5.8	Newsletter per persunas d'instrucziun – BIZ-News	9
5.9	BIZ App	9
6	Survista da las purschidas tenor onn da scola	10
7	Elecziun da professiun – ils pass ils pli impurtants.....	11
8	Urari da l'elecziun da professiun.....	14
9	Lieus da la Cussegliaziun da professiun, da studi e da carriera.....	16

1 Finamira e context

La Cussegliaziun da professiun, da studi e da carriera cussegliia ed infurmescha giuvenils e persunas creschidas en dumondas concernent la professiun, il studi e la carriera. Quest document dat ina survista da las purschidas da la Cussegliaziun professiunala per classas da scola dals stgalims superiurs e da las soluziuns transitoricas. Perquai vegn duvrada qua la noziun «Cussegliaziun professiunala» per la Cussegliaziun da professiun, da studi e da carriera. Persunas d'instrucziun sco er cussegliadras e cussegliaders da professiun, da studi e da carriera elegian en cunvegnientscha cuminaivla la purschida che fa mintgamai senn per lur classas. Las cussegliadras ed ils cussegliaders da professiun, da studi e da carriera, las persunas d'instrucziun responsablas e las direcziuns da la chasa da scola correspundenta planiseschan la collavuraziun tranter la Cussegliaziun professiunala e la scola e sclereschan las responsabladdas.

2 Cussegliaziuns

Cussegliaziuns professiunals servan al scleriment detaglià da las pussaivladads e dals interess professiunals sco er a l'elavuraziun da perspectivas per il futur professiunal.

Cussegliadras e cussegliaders da professiun, da studi e da carriera accumpognan las clientas ed ils clients en il process da l'elecziun da professiun. Ellas ed els fan analisas da la situaziun, analisas dal potenzial u scleriments dals interess, discutan sco er infurmeschan davart pussaivladads e sustegnan tar l'elecziun d'ina via adattada. En cas da basegn vegnan utilisadas en il process da cussegliaziun proceduras davart ils interess, la personalitat e/u la prestaziun. Las cussegliaziuns han normalmain lieu en ils biros da la Cussegliaziun da professiun, da studi e da carriera e cumpiglian per regla plirs termins da cussegliaziun. Ellas pon vegnir realisadas tut tenor la situaziun er en la chasa da scola, per telefon u per conferenza da video.

La suandanta survista mussa ina schelta dals temas che pon vegnir discutads en ina cussegliaziun.

- Elecziun da professiun
- Scleriment dals interess
- Scleriments da las prestaziuns
- Infurmaziuns davart il sistem da furmaziun
- Infurmaziuns davart las professiuns
- Maturidad professiunala
- Scolas medias (gimnasi, scola media spezialisada, scola media commerziale)
- Maturidad spezialisada
- Promozion da talents, p.ex. sport da prestaziun e furmaziun professiunala
- Soluziuns transitoricas e soluziuns intermediaras
- Retschertga d'infurmaziuns
- Fufragnadi
- Tschertgar ina piazza d'emprendissadi
- Agid en connex cun l'annunzia
- Tests da qualificaziun
- Problems psicosocials
- Colliaziun cun persunas accumpagnantas, instituziuns, posts spezialisads ed uffizis involvids

2.1 Discurs da verificaziun per la registraziun tempriva tar l'assicuranza d'invaliditat (AI)

Cun giuvenils cun indizis per in basegn da sustegn tras la AI mainan cussegliadras e cussegliaders da professiun, da studi e da carriera a partir dal 2. semester da la 1. superiura discurs da verificaziun. Las persunas responsablas per l'educaziun sa particeschan medemamain al discurs. La finamira

è da sensibilisar davart il tema «Mesira da professiun» da l'assicuranza d'invaliditat (AI) e d'identifitgar indizis per la necessitat d'ina annunzia tar la AI. Sche tals indizis èn avant maun, vegnan ils giuvenils surdads al Case Management furmaziun professiunala (CMFP).

Finamira: Ils giuvenils e lur personas responsablas per l'educaziun vegnan sensibilisads davart il tema «Mesira da professiun» da la AI e davart la registratori tempriva dals giuvenils, tar ils quals in'annunzia a la AI pudess esser inditgada.

2.2 Cussegliaziun professiunala

Las [cussegliaziuns individualas](#) servan al scleriment detaglià da las pussaivladads e dals interess professiunals dals giuvenils. Ellas vegnan purschidas en la 1. superiura a partir dal mars. Persunas responsablas per l'educaziun u personas da referiment pon accumpagnar ils uffants a la cussegliaziun.

Finamira: Ensemen cun ils giuvenils sclerescha la cussegliadra u il cussegliader da professiun, da studi e da carriera lur abilitads ed interess individuals. Ensemen elavuran els las pussaivladads da professiun e da furmaziun ed identifitgeschan ils ulteriurs pass.

2.3 Cussegliaziuns curtas

Cussegliaziuns curtas sa drizzan a giuvenils che han ina dumonda concreta e che n'ha dovran betg in entir process da cussegliaziun. Cussegliaziuns curtas han lieu en differentas furmas: Las cussegliadras ed ils cussegliaders da professiun, da studi e da carriera respundan dumondas per e-mail, per telefon, per conferenza da video u persunalmain al lieu. Ils giuvenils survegnan lura svelt e nuncumplitgadomain infurmaziuns ed impuls.

2.3.1 Cussegliaziuns curtas en scola (en la chasa da scola)

Uras da consultaziun en la chasa da scola èn cussegliaziuns curtas. Scolaras e scolars survegnan en quest connex svelt e nuncumplitgadomain infurmaziuns ed impuls per lur process da l'elecziun da professiun.

Finamira: Scolaras e scolars, personas d'instrucziun sco er cussegliadras e cussegliaders da professiun, da studi e da carriera discurran in cun l'auter entaifer curt temp ed en moda effizienta davart l'elecziun da professiun. Or d'uras da consultaziun en la chasa da scola resultan – sche necessari – sedutas da cussegliaziun regularas.

2.4 Case Management furmaziun professiunala (CMFP)

Las manageras ed ils managers da cas sustegnan giuvenils e personas giuvnas creschidas supplementarmain sin la via a la furmaziun professiunala da basa. La [purschida](#) sa drizza a personas da 14 fin 25 che

- dovran sostegn supplementar durant il stgalim superiur en l'elecziun da professiun ed a la tschertga d'ina soluziun da cuntuaziun
- che n'hant nagina soluziun da cuntuaziun suenter il stgalim superiur u suenter la soluziun transitorica u
- che han interrutt in emprendissadi u ina soluziun transitorica.

Annunzia durant il stgalim superiur

- Persunas responsablas per l'educaziun, personas d'instrucziun u ulteriurs posts participads annunzian ils giuvenils tar la Cussegliaziun professiunala. Las cussegliadras ed ils cussegliaders da professiun, da studi e da carriera proponan il CMFP suenter in scleriment dals interess u dal potenzial ed annunzian ils giuvenils per quest intent.

Annunzia suenter il stgalim superiur

- Annunzia tar la finizun da la scola, sur la soluziun transitorica u tras la surveglianza da la furmaziun professiunala. Vers la fin da l'ultim onn da scola resp. da l'onn transitorio vegn realisada in'enquista da finizun da la scola per sclerir, tge scolaras e scolars che n'han anc nagina soluziun da cuntuaziun. Quellas e quels vegnan contactads da las manageras e dals managers da cas.

Las cussegliadras ed ils cussegliaders da professiun, da studi e da carriera collavuran stretgament cun las manageras ed ils managers da cas. Uschia pon era vegnir fatgas assegnaziuns vicendaivas en la Cussegliaziun professiunala u en il CMFP.

Finamira: Tras il sustegn dals giuvenils annunziads sco er tras la collavuraziun cun ulteriurs posts duain vegnir manads uschè blers giuvenils sco pussaivel en moda persistenta en la scolaziun dal stgalim secundar II.

3 Occurrenzas

La Cussegliaziun professiunala porscha differentas occurrenzas da sustegn en connex cun l'elecziun da professiun.

3.1 Occurrenzas da classa

Las cussegliadras ed ils cussegliaders da professiun, da studi e da carriera responsabes per las classas da scola realiseschan occurrenzas d'orientaziun per las scolaras ed ils scolars en il Center d'infurmaziun professiunala (CIP) u en la chasa da scola. Quellas han lieu a la fin da la 1. superiura e/u al cumenzament da la 2. superiura.

Finamira: Las scolaras ed ils scolars enconuschan il sistem da furmaziun (scolaziuns e perfecziunaments) ed ils pass per l'elecziun da professiun. Ellas ed els emprendan, nua e co ch'ellas ed els chattan infurmaziuns davart professiuns, enconuschan la purschida da la Cussegliaziun professiunala sco er l'urari da l'elecziun da professiun. Ultra da quai duai uschia vegnir reducida la retegnientscha da s'annunziar per la cussegliaziun.

3.2 Occurrenzas da elecziun da professiun per persunas responsablas per l'educaziun

Durant la perioda da la fin da la 1. superiura, dal cumenzament da la 2. superiura realiseschan las cussegliadras ed ils cussegliaders responsabes da professiun, da studi e da carriera occurrenzas d'infurmaziun per las persunas responsablas per l'educaziun en la chasa da scola u en il CIP.

Finamira: Las persunas responsablas per l'educaziun enconuschan il sistem da furmaziun (scolaziuns e perfecziunaments), ils pass per l'elecziun da professiun, emprendan co e nua ch'ellas chattan infurmaziuns davart professiuns, enconuschan la purschida da la Cussegliaziun professiunala e l'urari da l'elecziun da professiun e san, co ch'ellas pon sustegnair lur uffants. Ultra da quai emprendan ellas d'enconuscher las cussegliadras ed ils cussegliaders da professiun, da studi e da carriera.

3.2.1 Occurrenzas da l'elecziun da professiun per persunas responsablas per l'educaziun e per giuvenils

Alternativament u cumplementarmament ad occurrenzas per classas e per persunas responsablas per l'educaziun pon avair lieu occurrenzas cunivaivas per persunas responsablas per l'educaziun e per lur uffants. Quellas han l'avantatg che las persunas responsablas per l'educaziun ed ils giuvenils han il medem stan d'infurmaziun. A medem temp vegn sveglià il discurs in cun l'auter, cun autres famiglias ubain cun la cussegliadra u il cussegliader da professiun, da studi e da carriera. Las occurrenzas pon esser occurrenzas d'infurmaziun, ma pon er avair lieu en furma d'in lavuratori.

Finamira: Las persunas responsablas per l'educaziun ed ils giuvenils enconuschan il sistem da furmaziun (scolaziuns e perfecziunaments), ils pass per l'elecziun da professiun, emprendan co e nua ch'ellas chattan infurmaziuns davart professiuns, enconuschan la purschida da la Cussegiaziun professiunala e l'urari da l'elecziun da professiun. Las persunas responsablas per l'educaziun san, co ch'ellas pon sustegnair lur uffants. Il discurs cuminaivel vegg sveglià.

3.2.2 Ulteriuras occurrentzas per persunas responsablas per l'educaziun

La Cussegiaziun professiunala po er porscher a las persunas responsablas per l'educaziun curs en differents roms e cun differents cuntegns.

Finamira: Las persunas responsablas per l'educaziun interessadas duain survegnir la pussaivladad da s'infumar supplementarmain a la saira da l'elecziun da professiun usitada e da s'approfundar en differents secturs, co ch'ellas pon sustegnair lur uffants.

3.3 Occurrentzas per diversas gruppas en mira

La Cussegiaziun da professiun po metter a disposizion ulteriuras purschidas che veggan offridas tenor basegn, sco per exemplu las occurrentzas qua sutvart.

3.3.1 Occurrentzas inizialas per persunas d'instrucziun per l'orientaziun professiunala

La Cussegiaziun da professiun porscha a persunas d'instrucziun, pedagogas curativas e pedagogs curativos da scola, lavureras e lavurers socials da scola e mainascolas per preparar l'instrucziun occurrentzas dad «orientaziun professiunala». Questas occurrentzas veggan er utilisadas per il barat professiunal tranter la cussegliadra ed il cussegliader da professiun, da studi e da carriera e la persuna d'instrucziun e per sclerir la collauraziun. La Cussegiaziun da professiun sostegna las scolas tar l'orientaziun professiunala da las scolaras e dals scolars.

Finamira: Persunas d'instrucziun, pedagogas curativas e pedagogs curativos da scola, lavureras e lavurers socials da scola sco er mainascolas enconuschan l'urari da l'elecziun da professiun ed ils terms impurtants, han ina survista dal mund da professiun e da lavour sco er da las vias en il sistem da furmaziun e disponan d'infurmaziuns relevantas davart ils moduls BO.2 «Vias da furmaziun, mund da professiun e da lavour» e BO.4 «Planisaziun, realisaziun e documentaziun» da la «Orientaziun professiunala» tenor il Plan d'instrucziun 21.

3.3.2 Occurrentzas per migrantas e migrants

Il sistem da furmaziun sco er la cussegiaziun professiunala d'auters pajais sa differenzieschan savens fundamentalmain da la purschida en Svizra. Per consequenza sa differenziescha er il basegn d'infurmaziun. Perquai poi far senn da realisar occurrentzas spezialas per migrantas e migrants e – sche necessari – da consultar interpretas ed interprets interculturals ad occurrentzas per persunas responsablas per l'educaziun che translateschan infurmaziuns en las linguis naziunalas correspondentes. L'organisaziun d'interpretas e d'interprets vegg fatga en cunvegnentscha tranter la cussegliadra u il cussegliader da professiun, da studi e da carriera e la persuna d'instrucziun.

Finamira: Famiglias cun biografia da migrazion han bunas enconuschientschas dal sistem da furmaziun svizzer e da la purschida da la Cussegiaziun professiunala.

4 Preschientscha ad exposiziuns – exposiziuns professiunala

La Cussegiaziun da professiun, da studi e da carriera sa participescha a l'organisaziun da l'exposiziun professiunala [«Fiutscher»](#) sco er a differentas exposiziuns professiunala regiunalas.

Finamira: Giuvenils pon s'infumar davart differentas professiuns sco er davart la purschida da la Cussegliazun professiunala.

5 Infurmaziuns

5.1 Centers d'infurmaziun professiunala (CIP)

En ils CIP pon vegnir emprestadas broschuras davart professiuns, perfecziunaments, scolas sco er davart temas sco annunzia, carriera professiunala e.u.v. Medias da colliaziun cun codes QR porschan in access ad infurmaziuns online. Notebooks cun attatg d'internet stattan medemamain a disposiziun per infumar sasez. Sin dumonda stattan a disposiziun cussegliadras e cussegliaders da professiun, da studi e da carriera per scleriments.

5.2 Scleriments spezials

Cun discurs d'infurmaziun e cun scleriments spezials sustegnan las cussegliadras ed ils cussegliaders da professiun, da studi e da carriera l'atgna infurmaziun da questas persunas, intermedieschan infurmaziuns e sclereschan l'ulteriur proceder.

Finamira: Clientas e clients u tenor cunvegna lur persunas da referiment vegnan sustegnidis tras cussegliadras e cussegliaders da professiun, da studi e da carriera en connex cun l'atgna infurmaziun. L'ulteriur proceder vegn sclerì cuminaivlamain.

5.2.1 Discurs d'infurmaziun e scleriments per persunas d'instrucziun

La Cussegliazun professiunala porscha a las persunas d'instrucziun discurs d'infurmaziun e scleriments spezials. Quels pon er vegnir fatgs en cumbinaziun cun il barat professiunal tranter las cussegliadras ed ils cussegliaders da professiun, da studi e da carriera e las persunas d'instrucziun.

Finamira: Las cussegliadras ed ils cussegliaders da professiun, da studi e da carriera sa barattan cun las persunas d'instrucziun e sustegnan ellas tar l'orientaziun professiunala da las scolaras e dals scolars.

5.2.2 Discurs d'infurmaziun e scleriments per persunas responsablas per l'educaziun

Cun cussegliazuns e cun scleriments spezials per persunas responsablas per l'educaziun u per persunas da referiment sustegnan las cussegliadras ed ils cussegliaders da professiun, da studi e da carriera l'atgna infurmaziun da questas persunas, intermedieschan infurmaziuns e sclereschan l'ulteriur proceder areguard il process da l'elecziun da professiun dals giuvenils.

Finamira: Persunas responsablas per l'educaziun vegnan sustegnidas tar l'elecziun da professiun da lur uffants tras cussegliadras e cussegliaders da professiun, da studi e da carriera.

5.2.3 Discurs d'infurmaziun e scleriments per giuvenils

Cun discurs d'infurmaziun e cun scleriments spezials per giuvenils sustegnan las cussegliadras ed ils cussegliaders da professiun, da studi e da carriera en la cumpetenza da questas persunas da infumar sasezzas, intermedieschan infurmaziuns e sclereschan l'ulteriur proceder.

Finamira: Giuvenils vegnan sustegnidis tras las cussegliadras ed ils cussegliaders da professiun, da studi e da carriera en lur cumpetenza da savair infumar sasez. L'ulteriur proceder vegn sclerì cuminaivlamain.

5.3 Purschidas d'infurmaziun

La Cussegliazun professiunala metta a disposiziun infurmaziuns per las scolas (p.ex. davart occurrentzas d'infurmaziun) en cas da basegn.

5.3.1 Fegls d'infurmaziun

La Cussegliaziun professiunala fa fegls d'infurmaziun davart temas specifics e metta a disposizion quels a persunas interessadas. Infurmaziuns online porscha ella sin www.berufsberatung.ch, la plattaforma per tut las dumondas davart emprendissadi, professiun, scolaziun e mund da laver sco er sin la pagina d'internet da l'uffizi www.berufsbildung.gr.ch.

Finamira: Persunas interessadas han access ad ina diversitat d'infurmaziuns e da meds da laver.

5.3.2 www.berufsbildung.gr.ch

Sin la pagina d'internet www.berufsbildung.gr.ch vegnan las purschidas da la Cussegliaziun da professiun, da studi e da carriera preschentadas curtamain. Via il formular da contact exista la pussaivladad da drizzar dumondas a las cussegliadoras ed als cussegliaders da professiun, da studi e da carriera u da s'annunziar per ina cussegliaziun. Ultra da quai cuntegna la pagina links e fegls d'infurmaziun nizzaivels.

Finamira: Giuvenils survegnan infurmaziuns davart l'elecziun da professiun e pon contactar la Cussegliaziun professiunala.

5.3.3 www.berufsberatung.ch

La pagina d'internet www.berufsberatung.ch na cuntegna betg mo las infurmaziuns naziunalas davart professiun, studi e carriera, mabain er infurmaziuns specifics per ils chantuns, sco fegls d'infurmaziun davart purschidas da furmaziun. Ultra da quai publitgescha la Cussegliaziun professiunala sin la pagina d'internet occurrenzas d'infurmaziun da firmas d'emprendissadi, da federaziuns e d'instituziuns da scolaziun. La banca da datas da scolaziun e da perfecziunament sin la pagina d'internet cuntegna plinavant las purschidas dals laveratoris d'emprendissadi, da las scolas da maturidad professiunala, da las scolas medias e da las soluziuns transitoricas. En il sectur fufragnadi èn menziunadas las firmas cun ina permissiun da scolaziun chantunala, quai vul dir tut las firmas che dastgan furmar emprendistas ed emprendists. Il register serva als giuvenils tar l'elecziun da professiun per s'orientar davart in fufragnadi. L'indicatur da las pazzas d'emprendissadi LENA sut www.berufsberatung.ch/lena cuntegna tut las pazzas d'emprendissadi libras annunziadas.

Finamira: Giuvenils e lur persunas responsablas per l'educaziun sco er persunas d'instrucziun han la pussaivladad da s'infumar da tut temp e d'entrar en contact cun la Cussegliaziun professiunala.

5.4 Broschura da elecziun da professiun

La broschura da l'elecziun da professiun porscha ina survista e tips davart ils 7 pass da l'elecziun da professiun sco er numerus links e descripziuns da las vias da furmaziun suenter la scola obligatorica.

Finamira: Persunas responsablas per l'educaziun e giuvenils survegnan las infurmaziuns las pli impurtantas davart l'elecziun da professiun en forma cumpacta.

5.5 Diari da fufragnadi

Il diari da fufragnadi serva als giuvenils ad organisar, a documentar ed ad evaluar il fufragnadi. Ultra da quai cuntegna il diari il pass da fufragnadi che po vegnir utilisà dal manaschi d'emprendissadi per giuditgar ils giuvenils durant il fufragnadi.

Finamira: Ils giuvenils survegnan in utensil per planisar, per realisar e per evaluar lur fufragnadis ed in resun d'ina persuna spezialisada concernent lur qualificaziun.

5.6 «Profilo» – ordinatur grischun d'orientaziun professiunala

«[profilo](#)» è l'ordinatur grischun d'orientaziun professiunala triling. En quel vegnan rimmads, ordinads e structurads ils documents che resultan durant l'elecziun da professiun. L'ordinatur serva a medem temp a planisar ils singuls pass da l'elecziun da professiun. Sut www.berufsbildung.gr.ch pon fegls d'infurmazion da la Cussegliaziun professiunala davart tut ils 7 pass da l'elecziun da professiun vegnir chargiads giu e deponids sut il pass respectiv. L'ordinatur gida a structurar il rom «Orientaziun professiunala» ed accumpogna tras il process da l'elecziun da professiun. El po vegnir empustà tar la [Chasa editura per meds d'instrucziun](#) dal chantun Grischun.

Finamira: Las scolaras ed ils scolars survegnan in utensil per planisar e per documentar lur process da l'elecziun da professiun.

5.7 «Gasetta per l'elecziun da professiun»

Mintga onn l'avust publitgescha l'Uffizi per la furmaziun professiunala en collavuraziun cun la Somedia il supplement spezial «Gasetta per l'elecziun da professiun». Quella vegg er publitgada sin la pagina d'internet www.berufsbildung.gr.ch.

Tar la grappa en mira da la «Gasetta per l'elecziun da professiun» tutgan giuvenils, persunas responsablas per l'educaziun e persunas d'instrucziun. I vegnan mintgamai tramess intgins exemplars da la gasetta a tut las chassas da scola dal stgalim superieur en il Grischun. Ils artitgels da la «Gasetta per l'elecziun da professiun» vegnan mess a disposiziun sin la pagina d'internet www.berufsbildung.gr.ch en talian ed en rumantsch.

La «Gasetta per l'elecziun da professiun» cuntegna ina survista da tut ils pass da l'elecziun da professiun sco er da las purschidas en connex cun l'elecziun da professiun.

Finamira: Giuvenils e persunas responsablas per l'educaziun survegnan tips davart ils 7 pass da l'elecziun da professiun ed infurmaziuns davart il pass da la scola en la professiun u en ina scola da cuntuaziun.

5.8 Newsletter per persunas d'instrucziun – BIZ-News

L'intermediaziun d'infurmaziuns per persunas d'instrucziun ha lieu regularmain via la [newsletter](#).

Finamira: Las persunas d'instrucziun pon s'infumar davart temas actuals davart professiuns e scolaziuns, l'elecziun da professiun e las purschidas da la Cussegliaziun professiunala.

5.9 BIZ App

La BIZ App po vegnir chargiada gratuitamain sin il smartphone. Ella porscha vastas infurmaziuns davart ils emprendissadis e cumpiglia il register da las firmas d'emprendissadi (LEFI) e l'indicatur da las plazzas d'emprendissadi (LENA).


Finamira: Giuvenils survegnan infurmaziuns davart las professiuns, san tge interpresas che dastgan furmar emprendistas ed emprendists e porscher plazzas d'emprendissadi.

6 Survista da las purschidas tenor onn da scola

La suandanta survista mussa, cura che tge purschidas da la Cussegliaziun professiunala vegnan realisadas usitadomain. Persunas d'instrucziun e cussegliadras e cussegliaders da professiun, da studi e da carriera elegian en cunvegnientscha cuminaivla la purschida che fa mintgamai il pli grond senn per lur classas e sclereschan las responsabladads.

Purschidas	1. superiura	1. superiura	2. superiura	2. superiura	3. superiura	3. superiura
	1. semester	2. semester	1. semester	2. semester	1. semester	2. semester
Occurrentzas inizialas per persunas d'instrucziun per l'orientaziun professiunala						
Infurmaziuns / purschidas d'infurmaziun sco newsletter per persunas d'instrucziun – BIZ-News						
Exposiziuns professiunalas						
Discurs da verificaziun per la registrazion tempriva						
Cussegliaziun professiunala						
Cussegliaziuns curtas						
Occurrentzas da classa						
Occurrentzas da l'elecziun da professiun per persunas responsablas per l'educaziun						
Occurrentzas da l'elecziun da professiun per persunas responsablas per l'educaziun e per giuvenils						
Occurrentzas per persunas responsablas per l'educaziun						
Occurrentzas per migrantas e migrants						
Cussegliaziuns curtas en scola (uras da consultaziun da la chasa da scola)						
Case Management furmaziun professiunala (CMFP)						

7 Elecziun da professiun – ils pass ils pli impurtants



I. planisar

Planisar l'elecziun da professiun

- Nua ma chat jau el process da l'elecziun da professiun?
- Co poss jau proceder?
- Tgi ma po sustegnair?

1. jau

Emprender ad enconuscher sasez – interess e fermezzas

- Tgi sun jau? Tge sai jau? Tge vi jau?
- Co ma ves jau? Co vesan auters mai?
- Tge èn mes interess? Tge ma fa plaschair?
- Nua sun jau buna u bun en scola? Tge èn mes roms preferids?
- Tgeninas èn mias abilitads?
- Tge premissas ademplesch jau?

2. s'orientar

Emprender ad enconuscher il mund da professiun e da scolaziun

- Tge professiuns datti?
- Tge furmaziuns da scola datti?
- Tge soluziuns transitoricas / schliaziuns intermediaras datti?
- Tge premissas èn necessarias?
- Tgenins èn mes favorits?

3. cumpareglier

Cumpareglier interess e fermezzas cun las pretensiuns da las professiuns

- Tge pretensiuns da mias professiuns da giavisch ademplesch jau? Tgeninas betg? Nua stoss jau anc ma meglierar?
- Tge professiuns adattadas parentadas datti?
- Tge vias a la professiun da giavisch datti?

4. explorar

Emprender ad enconuscher meglier professiuns interessantas

- Nua e cura vi jau emprender d'enconuscher professiuns?
- Nua e co poss jau tschenttar dumondas a glieud da professiun?
- Co organisesch jau in fufragnadi?
- Tge experientschas hai jau fatg?
- Correspundan mes giavischs a la realitat?
- Co vesa mia glista da favorits uss ora?

5. decider

Controllar e decider

- Tge avantatgs ha ina professiun, tgenins in'autra?
- Co poss jau ma decider?
- Tgi ma sustegna da prender la decisiun?
- Tge professiun è la dretga?

6. realisar

Tschertgar ina plazza d'emprendissadi u s'annunziar per ina scola cuntuanta

- Nua chat jau plazzas d'emprendissadi libras?
- Co m'annunziel jau per ina plazza d'emprendissadi? Tge tutga tut tar ils documents d'annunzia? Co ma cumport jau durant il discurs da preschentaziun?
- Cura e co stoss jau m'annunziar per l'examen d'admissiun a la scola media? Cura ha lieu l'examen e tge cuntegns vegnan examinads?

7. preparar

Sa preparar per l'emprendissadi u per la scola cuntuanta


- Co poss jau ma preparar per l'emprendissadi u per ina scola cuntuanta?
- Tge stoss jau tut organisar?

8 Urari da l'elecziun da professiun

L'urari da l'elecziun da professiun serva sco agid d'orientaziun, per ch'ils differents pass possian vegnir realisads ed ils giuvenils possian realisar il meglier pussaivel lur elecziun da professiun. Per che las schanzas en l'elecziun da professiun ed en l'occupaziun da las pazzas d'emprendissadi sajan uschè gistas sco pussaivel per tuttas e tuts, han ils partenaris da la furmaziun professiunala deliberà in commitment che fixescha en spezial ils sustants puncts:

- Las pazzas d'emprendissadi libras vegnan publitgadas per l'annunzia il pli baud l'avust da l'onn avant il cumentzament da l'emprendissadi.
- Ils contracts d'emprendissadi vegnan fatgs il pli baud in onn avant il cumentzament da l'emprendissadi.
- Ils contracts d'emprendissadi vegnan approvads il pli baud a partir dal settember da l'onn avant il cumentzament da l'emprendissadi.

Il commitment vegn er sustegnì da purschiders privats da portals da pazzas d'emprendissadi.



planisar



jau



s'orientar



cumparegiliar



explorar



decider



realisar



sa preparar

9 Lieus da la Cussegliaziun da professiun, da studi e da carriera

Cuiria
Grabenstrasse 1
7001 Cuira
+41 81 257 27 72

Roveredo
Al Giardinett 2
6535 Roveredo GR
+41 81 257 65 83

Tavau
Talstrasse 2C
7270 Tavau Platz
+41 81 257 27 72

Samedan
Plazzet 16
7503 Samedan
+41 81 257 27 72

Ilanz/Glion
Bahnhofstrasse 31
7130 Glion
+41 81 257 27 72

Scuol
Stradun 403A
7550 Scuol
+41 81 257 27 72

Puschlav
Via Spultri 44
7742 Poschiavo
+41 81 257 27 72

Tusaun
Feldstrasse 4
7430 Tusaun
+41 81 257 27 72